

Izjava: HDZ odlaže uvođenje zakona o javnom RTV sistemu

Skidanje Zakona o javnom RTV sistemu sa dnevnog reda današnje sjednice Doma naroda BiH daljnje je odlaganje usvajanja ovog važnog zakona i stvara dodatne prepreke u reformskom procesu u Bosni i Hercegovini na njenom putu ka Evropi», rekao je danas viši zamjenik visokog predstavnika Martin Ney komentirajući odluku Doma naroda BiH da ovaj Zakon ne uvrsti u raspravu dok odluka Ustavnog suda BiH ne bude zvanično objavljena u Službenom glasniku. Zahtjev za skidanjem ovog zakona sa dnevnog reda potekao je od HDZ-a.

«Presuda Ustavnog suda BiH jasno kaže da ovaj Zakon ni na koji način ne ugrožava prava i interese Hrvata u BiH», rekao je ambasador Ney.

«Ovo je odlaganje koje nema drugu svrhu osim odlaganja zakona koji predstavlja uvjet Studije izvodljivosti», dodao je Ney. «Mogućnosti da se razgovara ili daju izmjene i dopune Zakona o javnom RTV sistemu su iscrpljene. Pozivam HDZ da prihvati validnost odluke Ustavnog suda BiH, vrati ovaj zakon na sjednicu Doma naroda BiH i odmah omogući glasanje o ovom zakonu», rekao je ambasador Ney danas.

Zakon o javnom RTV sistemu je okvirni zakon koji će utvrditi temeljna načela zakona o javnim RTV servisima na entitetskom i državnom nivou, što uključuje broj kanala, programska načela, upravljanje i finansije.